

樂陵縣志卷之五

選舉志

國家拔士之途不一曰薦辟曰制科兩端盡之矣今古相因遞爲損益而或輕或重實所判殊方今

聖人御宇治具畢張則少知學長通方曰勉勉於業精行成何患有司之不明且公也於是歷叙選舉各制所由來以及邑人士姓名科第其行事卓卓者列諸人物傳茲則無分優劣

也志選舉

薦辟

漢

東方朔 舉賢良大中大夫有傳祀鄉賢祠

成翊世 安帝徵爲尙書以樊豐事免歸順帝

徵拜議郎不受又除尙書有傳祀鄉賢祠府志

遺

苑一作范康 舉孝廉遷潁陰令又遷太山太守有

傳舊志遺從漢書補入

唐

高適 舉有道科拜左拾遺擢諫議大夫後

封渤海縣侯有傳祀鄉賢祠

舊志遺從唐書補入

元

鄭嘉 由宗府譯史官至工部尚書

王從政 累官至內臺御史

王從可 累官至翰林院直講學士

張從信 官朝請大夫太常禮儀院判見至正

八年碑

卷之五 薦辟

明

石友賢 舉賢良方正任山西道監察御史有
傳祀鄉賢祠

按唐虞三代以上惟薦辟一途兩漢有三府
四府五府之舉而特徵更爲異數魏晉以降
立九品官人之法或薦或徵雖不逮古人鄉
舉里選之法其義猶爲近古唐制寶應間勅
州縣每歲察舉孝廉貞元中勅在外諸道及
京官每歲一度薦舉宋有賢良方正博學宏

詞及薦舉遺逸等目元祐間司馬光奏使達
官各舉所知嘉定間猶舉行之金舉孝廉及
有才能德行者令縣官薦之明洪武初令有
司保舉人材卽古鄉舉里選遺意復遣使分
行天下訪求賢才有司以禮敦遣然試不稱
輒坐舉主其後復有聰明正直孝弟力田賢
良方正文學數術之舉且諭羣臣各列所知
以至稅戶耆老山林隱逸搜訪靡遺我

朝菁莪雅化度越昔時

聖祖仁皇帝特開博學鴻詞科

世宗憲皇帝重詔舉行

皇上嗣統親試博學鴻詞於保和殿

曠典疊頒人才薈萃與科第並稱得人邑之膺
薦辟者例得臚列於首云

進士

宋

紹聖元年畢漸榜

呂頤浩 知江寧府進戶部尚書中書門下

平章事有傳祀鄉賢祠

明

隆慶二年戊辰羅萬化榜

史邦直 第一百二十五名殿試三甲二百
五十七名任臨晉縣知縣西安府同知河南
營田副使有傳祀鄉賢祠

萬歷二十九年辛丑張以誠榜

朱 槃 第 名殿試三甲一百八十六名

任長子縣知縣補魏縣陞南京陝西道御史

陝西巡撫兵部左侍郎贈尙書有傳祀鄉賢祠

萬歷三十五年丁未黃士俊榜

張潑榜名自悟第二百七十八名殿試

三甲六十九名任曲周縣知縣浙江道御史
巡按山西掌河南道太僕添注正卿都察院
右副都御史河南巡撫有傳祀鄉賢祠

萬歷三十八年庚戌韓敬榜

史高先第二百六十名殿試二甲十九名

任南京戶部廣東司主事郎中襄陽府知府
湖北兵備僉事貴州提學副使有傳祀鄉賢
祠邦直次子

萬歷四十七年己未莊際昌榜

史高印 第七十六名殿試三甲 名任襄

陵東明元城縣知縣禮部精膳司郎中陝西
提學副使改補鞏昌道有傳祀鄉賢祠邦直
長子

國朝

興陽縣志 卷之五 選舉
康熙十五年丙辰彭定求榜

史長昆 第二百四名殿試三甲 名任直

隸贅皇縣知縣有傳祀鄉賢祠

康熙二十一年壬戌蔡升元榜

潘鵬雲 第一百八十九名殿試三甲 名

任臨晉縣知縣工部主事己卯福建副考官

刑部郎中直隸順德府知府有傳祀鄉賢祠

康熙三十九年庚辰汪繹榜

杜能忠 第一百三十四名殿試三甲一百

四十四名任山西萬泉縣知縣有傳

康熙四十二年癸未王式丹榜

潘體震 第六十八名殿試二甲十五名翰

林院編修癸巳貴州正考官戶部員外兵部

車駕司郎中乾隆十八年舉鄉飲大賓有傳

鵬雲長子

乾隆十三年戊辰梁國治榜

楊振先 第一百六十五名殿試三甲七十

二名任兗州府教授有傳

按進士科目昉於隋大業三年試以策唐制
賢良之外有十二科更有七十七科詔曰制
舉所重惟明經進士二科當時以詩賦取者
謂之進士天授元年親策士於殿前殿試之
名始此開元二十四年始移貢舉於禮部以
侍郎主之

從前皆吏部
考功員外郎

宋初仍其舊後乃有

經義明法等科時罷時復太祖開寶五年召
對諸科進士於講武殿下詔制放榜自茲殿
試定爲例太宗太平興國七年殿試分三甲

第一甲及第第二甲出身第三甲同出身 仁宗嘉祐二年詔嗣後

殿試禮部所奏進士俱免黜落神宗時罷諸

科併於進士科願經取士

此八比之始

其曰特奏

名者進士及諸科貢士十五年終塲禮部以

名聞者各賜本科出身景祐後進士五舉諸

科六舉嘗經殿試進士三舉諸科五舉雖不

合格皆以名聞金仍宋遼舊制有詞賦經義

策論律科經童等科詞賦經義策論中選者

謂之進士律科經童中選者謂之舉人元仁

宗皇慶三年立科舉法分左右二榜蒙古色
目人爲右第一場經問五條第二場策一道
漢人南人爲左第一場明經經疑二問經義
一道第二場古賦詔誥表内科各一道第三
場策一道明洪武二年詔開科舉凡鄉試中
者行省咨中書省判送禮部會試額取舉人
百名十七年頒科舉式三年大比子午卯酉
爲鄉試年辰戌丑未爲會試年第一場試四
書義三道經義四道第二場試論一道判語

五條詔誥表內科一道第三場試經史時務
策五道

國朝悉因明制間奉

特旨開科隨時定期尤爲曠典康熙二年停八比
文七年復之乾隆二十二年丁丑會試我

皇上酌中定制節去表判論增律詩八韻一首第
一場四書義三道第二場經義四道五律八
韻詩一首第三場經史時務策五道嗣准御
史奏第一場增性理論一道二十六年辛巳

恭遇

皇太后七旬萬壽

特開恩科先於庚辰年舉鄉試是年春舉會試並於薦卷中拔得中書學正學錄凡六十人引見用四十二人奉

旨遇缺隨補又

命王大臣揀選不第者大省四十人中省三十人小省二十人以知縣教諭分別錄用洵千古之